



Broj: 03-91-29/24

Datum: 23.12.2024. godine

Na osnovu člana 45. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24) direktor KJU za zaštićena prirodna područja d o n o s i

ODLUKU
o isključenju iz učešća u postupcima javnih nabavki
na period od 12 mjeseci

Član 1.

Isključuje se iz učešća u postupcima javnih nabavki koje provodi Ugovorni organ: Kantonalna javna ustanova za zaštićena prirodna područja (dalje: Ugovorni organ), na period od 12 (dvanaest) mjeseci počev od dana stupanja na snagu ove Odluke, ponuđač:

BABEL d.o.o. Sarajevo, Marka Marulića 2, 71000 Sarajevo.

Član 2.

Ova Odluka objavit će se na web-stranici Ugovornog organa, istovremeno s upućivanjem iste isključenom ponuđaču iz člana 1. Odluke.

Član 3.

Ova Odluka stupa na snagu danom donošenja, a primjenjuje se od dana njene pravosnažnosti.

O B R A Z L O Ž E N J E

Ponuđaču **BABEL d.o.o. Sarajevo** (dalje: Ponuđač) dodijeljen je ugovor za **nabavku, isporuku i montažu urbanog mobilijara (LOT-1)**, a u okviru javne nabavke: nabavka, isporuka i montaža mobilijara za zaštićena prirodna područja (*evidenc. broj nabavke: 03-91/24; Obavještenje o nabavci broj: 522-1-1-71-3-23/24*), koji postupak javne nabavke je proveden putem otvorenog postupka. S navedenim ponuđačem Ugovorni organ je zaključio ugovor dana 12.8.2024. godine, a na ukupnu ugovornu cijenu od **50.949,00 KM** (bez PDV-a).

Članom 3. stav (1) predmetnog Ugovora utvrđen je krajnji rok za realizaciju Ugovora u trajanju od **120 dana** od dana stupanja na snagu Ugovora, a koji krajnji rok izračunom pada na datum **10.12.2024. godine**.

Kako se približavao krajnji rok za realizaciju Ugovora, a bez vidljivih dokaza s terena da se bilo šta poduzima na realizaciji Ugovora, dana 4.12.2024. godine (šest dana prije isteka krajnjeg roka) Ugovorni organ je svojim aktom 03-91-28/24 od 3.12.2024. godine zatražio od Ponuđača informaciju o dinamici/stanju realizacije Ugovora. Dana **11.12.2024. godine**, dan nakon isteka utvrđenog roka za realizaciju Ugovora, Ponuđač

se očitovao po upitu Ugovornog organa, te istakao kako nije u mogućnosti realizirati Ugovor, ponudivši pri tome novi rok za realizaciju 20.1.2025. godine.

Imajući u vidu činjenice:

- da je po svim tehničkim parametrima i sadržaju predmeta Ugovora Ponuđač imao sasvim dovoljan i razuman rok za realizaciju Ugovora, a na što je i pristao svojim potpisom Ugovora;
- da je Ponuđač propustio u toku trajanja samog Ugovora samoinicijativno obavijestiti Ugovornog organa o nemogućnosti realizacije Ugovora, eventualnim razlozima za to, već je to uradio tek na upit Ugovornog organa i to po isteku roka za realizaciju;
- da je svojim postupanjem, protivno prihvaćenim odredbama Ugovora, prouzrokovao nemogućnost implementacije planova i projekata Ugovornog organa u domenu predmeta ovog Ugovora;
- da je Ponuđač svojim postupanjem prouzrokovao nepovratne troškove u angažovanju resursa Ugovornog organa na predugovornim i postugovornim aktivnostima;
- da je Ponuđač svojim postupanjem prouzrokovao neutrošak planiranih budžetskih sredstava za Ugovorne aktivnosti, a koje se odnose na budžetsku 2024. godinu;
- da je Ponuđač svojim postupanjem prouzrokovao nove troškove u angažovanju resursa Ugovornog organa na ponavljanju postupka javne nabavke tokom naredne budžetske godine;

to je Ugovorni organ utvrdio da je Ponuđač svojim (ne)djelovanjem demonstrirao izostanak temeljnog poslovnog integriteta, dopustivši da Ugovorni organ tek nakon isteka roka za realizaciju bude informiran o nemogućnosti realizacije Ugovora, a što je u konačnici uzrokovalo konkretne, iznad navedene, štetne posljedice po Ugovorni organ.

Kako ovakvo djelovanje ponuđača, shodno članu 45. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24), predstavlja osnov za isključenje iz učešća u postupcima javnih nabavki na period od 12 mjeseci, te kako su analizom postupanja Ugovornog organa i Ponuđača jasno i nedvojbeno utvrđene činjenice i okolnosti koje dovode do isključenja, to je odlučeno kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba URŽ-u putem Ugovornog organa, najkasnije u roku od 15 (petnaest) dana od dana prijema ove odluke.

S poštovanjem,



DIREKTOR

Dostavljeno:

- *BABEL d.o.o. Sarajevo*
- *a/a*